

四庫全書

子部

欽定四庫全書

子部

絳雪園古方選註卷二

詳校官太醫院八品吏目黃發

編修臣倉聖脈覆勘

總校官原任中允臣王燕緒

校對官學正臣陳木

謄錄監生臣蔣鳳牲

欽定四庫全書

子部五

絳雪園古方選注

醫家類

提要

臣等謹案絳雪園古方選注三卷

國朝王子接撰子接字晉三長洲人自古集經方者不過註某丸某散主治某症而已其兼論病源脉候者已不多見至於製方之意則未有發明之者近始有醫方集解然所見較

淺亦未盡窺運用之本旨是書所選之方雖
非秘異而其中加減之道銖兩之宜君臣佐
使之義皆能推闡其所以然前有自序稱釐
為三卷上卷獨明仲景一百一十三方三百
九十七法中下二卷發明內科女科外科幼
科眼科及各科之方未附雜方藥性以書按
之則和寒溫汗吐下六劑及內科以下諸科
上中下三品本草俱各自為帙不題卷數蓋

其門人葉桂吳蒙等所分非子接之舊也今
仍定為三卷以還其舊而得宜本草則附於
末焉乾隆四十三年七月恭校上

總纂官

臣紀昀

臣陸錫熊

臣孫士毅

總校官

臣

陸費墀

欽定四庫全書

絳雪園古方選註卷一

蘇州王子接撰

和劑

桂枝湯

桂枝

三兩
去皮

芍藥

三兩

甘草

二兩
炙

生薑

三兩
切

大棗

十二
枚擘

右五味㕮咀以水七升微火煮取三升去滓適

寒溫服一升服已須臾啜稀粥一升餘以助藥力

溫覆令一時許遍身熱熱微似有汗者佳不可令
大汗如水流瀉病必不除 若一服汗出病瘥停後
服不必盡劑 若不汗更服依前法 又不汗小促
役其間半日許令三服盡 若病重者一日一夜服
周時觀之服一劑盡病症猶在者更作服 若汗
不出者乃服二三劑 禁生冷粘滑肉麪五辛酒酪
臭惡等物

桂枝湯和方之祖故列於首太陽篇云桂枝本為解肌

明非發汗也桂枝甘草辛甘化陽助太陽融會肌氣芍藥甘草酸甘化陰啓少陰奠安營血薑通神明佐桂枝行陽棗泄營氣佐芍藥行陰一表一裏一陰一陽故謂之和加熱粥內壯胃陽助藥力行衛解腠理鬱熱故曰解肌邪未入營而用白芍者和陽解肌恐動營發汗病反不除觀此足以貫通全部方法變化生心非作聖其孰能之

桂枝甘草湯

桂枝

四兩
去皮

甘草

二兩
炙

卷一

右二味以水三升煮取一升去滓頓服

桂枝湯中採取二味成方便另有精蘊勿以平淡而忽之桂枝複甘草是辛從甘化為陽中有陰故治胸中陽氣欲失且桂枝輕揚走表佐以甘草留戀中宮載還陽氣仍寓一表一裏之義故得以外止汗而內除煩

芍藥甘草湯

芍藥

四兩

甘草

四兩
炙

右二味咬咀 以水三升煮取一升半去滓 分溫再服

此亦桂枝湯之變偏於營分純一不雜之方讀傷寒論反煩更煩心悸而煩皆用芍藥止煩不分赤白孫尚許叔微亦云白芍惟許弘方議聖惠方是赤芍今裏氣不和陰氣欲亡自當用白芍補營佐以甘草酸甘化陰止煩觀其去薑棗恐生薑散表大棗泄營是用白芍無疑桂枝加桂湯

桂枝

五兩
去皮

白芍

三兩

甘草

二兩
炙

生薑

一兩

大棗

十二
枚擘

右五味以水七升煮取三升去滓 溫服一升

桂枝湯太陽經藥也奔豚腎邪上逆也用太陽經藥治少陰病者水邪上逆由於外召寒入故仍從表治惟加桂二兩便可溫少陰而洩陰氣矣原文云更加桂二兩者加其兩數非在外再加肉桂也古者銖兩觔法以四為數申明桂枝加一加二猶為不足當加四分之三故曰更加

桂枝加芍藥湯

芍藥

六兩

桂枝

三兩
去皮

甘草

二兩

生薑

三兩
切

大棗

十二
枚擘

右五味㕮咀 以水七升煮取三升去滓 溫服一
升

桂枝加芍藥湯此用陰和陽法也其妙即以太陽之方
求治太陰之病腹滿時痛陰道虛也將芍藥一味倍加
三兩佐以甘草酸甘相輔恰合太陰之主藥且倍加芍
藥又能監桂枝深入陰分升舉其陽辟太陽陷入太陰

之邪復有薑棗為之調和則太陽之陽邪不留滯於太陰矣

桂枝加芍藥生薑人參新加湯

桂枝

三兩
去皮

芍藥

四兩

生薑

四兩
切

甘草

二兩
炙

人參

三兩

棗

十二
枚擘

右六味咬咀四味 以水一斗二升煮取三升去滓

溫服一升

桂枝湯調和營衛一絲不亂桂枝生薑和衛芍藥大棗

和營今祖桂枝人參湯法則偏於衛矣妙在生薑加一兩佐桂枝以大通衛氣不使人參有實邪之患尤妙芍藥亦加一兩仍是和營衛法名曰新加者申明新得其分兩之理而加之也

桂枝加葛根湯

葛根

四兩

桂枝

二兩
去皮

芍藥

二兩

甘草

二兩
炙

生薑

三兩
切

大

棗

十二
枚擘

右六味以水一斗先煮葛根減二升內諸藥煮取

三升去滓 溫服一升 覆取微似汗 不須啜粥

餘如桂枝法

桂枝加葛根湯治邪從太陽來纔及陽明即於方中加葛根先於其所往以伐陽明之邪因太陽未罷故仍用桂枝湯以截其後但於桂枝芍藥各減一兩既不使葛根留滯太陽又可使桂枝芍藥並入陽明以監其發汗太過其宣陽益陰之功可謂周到者矣

桂枝加附子湯

桂枝

三兩
去皮

芍藥

三兩

甘草

二兩
炙

生薑

三兩
切

大棗

十二
枚擘

附子

一枚炮
去皮
臍破八片

右六味㕮咀

以水七升煮取三升去滓

溫服一

升

桂枝加附子治外亡陽而內脫液熟附雖能補陽終屬燥液四肢難以屈伸其為液燥骨屬不利矣仲景以桂枝湯輕揚力薄必藉附子剛烈之性直走內外急急溫經復陽使汗不外泄正以救液也

桂枝去桂加茯苓白朮湯

芍藥

三兩

甘草

二兩炙

生薑

三兩切

大棗

十二枚擘

茯苓

三兩白

朮

三兩

右六味咬咀

以水七升煮取三升去滓

溫服一

升 小便利即愈

苓朮芍甘治太陽裏水法也解肌或下水邪不去而反
變症是非解肌者矣當去桂枝而以苓朮生薑代桂枝
行陽存芍藥以收陰不取辛甘發散於表取苓芍約陰

利水甘棗培土制水即太陽入裏用五苓表裏兩解之義也

桂枝去芍藥湯

桂枝

三兩
去皮

甘草

二兩
炙

生薑

二兩
切

大棗

十二
枚擘

右四味咬咀 以水七升煮取三升去滓 溫服一

升

芍藥專益陰氣桂枝湯去芍藥者誤下陽虛濁陰必僭於中焦故去芍藥之酸寒存一片陽和甘緩之性得以

載還中焦陽氣成清化之功

茯苓甘草湯

茯苓

二兩

桂枝

二兩 去皮

生薑

二兩 切

甘草

一兩 炙

右四味以水四升煮取二升去滓 分溫三服

茯苓甘草湯治汗出不渴其義行陽以統陰而有調和營衛之妙甘草佐茯苓滲裏緩中並用是留津液以安營生薑佐桂枝散外固表並施是行陽氣而實衛自無汗出亡陽之虞

茯苓桂枝甘草大棗湯

茯苓

八兩

桂枝

四兩 去皮

甘草

二兩 炙

大棗

十五枚 擘

右四味以甘瀾水一升 先煮茯苓減二升 內諸

藥煮取三升去滓 溫服一升 日三服 作甘瀾

水 取水二斗置大盆內以杓揚之水上珠子五

六千顆相逐取用之

腎氣奔豚治宜泄之制之茯苓桂枝通陽滲泄保心氣
以禦水凌甘草大棗補脾土以制水泛甘瀾水緩中而

不留入腎而不着不助水邪則奔豚臍悸之勢緩是方即茯苓甘草湯惡生薑性升而去之其義深且切矣

苓桂朮甘湯

茯苓

四兩

桂枝

三兩
去皮

白朮

三兩

甘草

二兩
炙

右四味以水六升煮取三升去滓 分溫三服

此太陽太陰方也膀胱氣鈍則水蓄脾不行津液則飲聚白朮甘草和脾以運津液茯苓桂枝利膀胱以布氣化崇土之法非但治水寒上逆并治飲邪留結頭身振

搖

小建中湯

芍藥

六兩

甘草

三兩

桂枝

三兩 去皮

生薑

二兩 切

大棗

十二枚 擘

膠

飴

一升

右六味以水七升煮取三升去滓 內膠飴更上微火消解 溫服一升 日三服

建中者建中氣也名之曰小者酸甘緩中僅能建中焦營氣也前桂枝湯是芍藥佐桂枝今建中湯是桂枝佐

芍藥義偏重於酸甘專和血脈之陰芍藥甘草有戊己相須之妙膠飴為稼穡之甘桂枝為陽木有甲己化土之義使以薑棗助脾與胃行津液者血脈中之柔陽皆出於胃也

桂枝去芍藥加蜀漆龍骨牡蠣救逆湯

桂枝

三兩
去皮

甘草

二兩
炙

生薑

三兩
切

大棗

十二
枚擘

蜀漆

三兩

洗去
腥

牡蠣

五兩
熬

龍骨

四兩

右為末

以水一斗二升先煮蜀漆減二升

內諸

藥煮取三升去滓 溫服一升

火迫心經之陽非酸收可安故去芍藥而用龍牡鎮攝
藉桂枝蜀漆疾趨陽位以救卒然散亂之神明故先煮
蜀漆使其飛騰劫去陽分之痰并賴其急性引領龍骨
牡蠣從陽鎮驚固脫方寸無主難緩須臾故曰救逆

桂枝甘草龍骨牡蠣湯

桂枝一兩 去皮 甘草二兩 牡蠣二兩 熬 龍骨二兩

右四味為末 以水五升煮取二升半去滓 溫服

八合 日三服

桂枝甘草龍骨牡蠣其義取重於龍牡之固澁仍標之
曰桂甘者蓋陰鈍之藥不佐陽藥不靈故龍骨牡蠣之
鈍陰必須藉桂枝甘草之清陽然後能飛引入經收斂
浮越之火鎮固亡陽之機

甘草湯

甘草二兩

右一味以水三升煮取一升半去滓 溫服七合

日三服

一藥治病是曰奇方甘草為九土之精生用則涼故可
伐腎泄熱治咽痛者功在緩腎急而救陰液也

桔梗湯

桔梗一兩甘草二兩

右二味以水三升煮取一升去滓分溫再服

桔梗味苦辛苦主於降辛主於散功專開提足少陰之
熱邪佐以甘草載之於上則能從腎上入肺中循喉嚨

而清利咽嗑張元素謂其為舟楫之劑者譬之鐵石入水本沉以舟載之則浮於上也

半夏散 及湯

半夏

洗

桂枝

去

甘草

炙

各等分

已上三味各別搗篩已合治之 白飲和服方寸匕

日三服 若不能散服者以水一升煎七沸 內

散兩方寸匕更煎三沸 下火令小冷 少少嚥

之

半夏散咽痛能嚥者用散不能嚥者用湯少陰之邪逆於經脈不得由樞而出用半夏入陰散鬱熱桂枝甘草達肌表則少陰之邪由經脈而出肌表悉從太陽開發半夏治咽痛可無劫液之虞

苦酒湯

半夏

洗破如棗核大十四枚

雞子

一枚去黃肉上苦酒著雞子殼中

右二味內半夏著苦酒中以雞子殼置刀環中安

火上令三沸去滓少少含嚥之不差更作三劑

苦酒湯治少陰水虧不能上濟君火而咽生瘡聲不出者瘡者疳也半夏之辛滑佐以雞子清之甘潤有利竅通聲之功無燥津涸液之慮然半夏之功能全賴苦酒攝入陰分劫涎斂瘡即陰火沸騰亦可因苦酒而降矣故以名其湯

小柴胡湯

柴胡

八兩

黃芩

三兩

人參

三兩

大棗

十二枚

甘草

三兩

半夏

八兩

洗

生薑

三兩切

兩

右七味以水一斗二升煮取六升去滓 再煎取三

升 溫服一升 日三服

柴胡湯不從表裏立方者仲景曰少陽病汗之則譫語
吐下則悸而驚故不治表裏而以升降法和之蓋遵經
言少陽行身之側左升主乎肝右降主乎肺柴胡升足
少陽清氣黃芩降手太陰熱邪招其所勝之氣也柴芩
解足少陽之邪即用參甘實足太陰之氣截其所不勝
之處也仍用薑棗和營衛者助半夏和胃而通陰陽俾

陰陽無爭則寒熱自解經曰交陰陽者必和其中也去渣再煎恐剛柔不相濟有礙於和也七味主治在中不及下焦故稱之曰小

柴胡桂枝湯

柴胡

四兩

黃芩

一兩五錢

人參

一兩五錢

半夏

二合半洗

甘草

二兩炙

桂枝

一兩五錢

去皮白芍

一兩五錢

生薑

一兩五錢

錢切大棗

六枚擘

右九味以水七升煮取三升去滓 溫服一升

桂枝湯重於解肌柴胡湯重於和裏仲景用此二方最

多可為表裏之權衡隨機應用無往不宜即如肢節煩
疼太陽之邪雖輕未盡嘔而支結少陽之病機已甚乃
以柴胡冠於桂枝之上即可開少陽微結不必另用開
結之方佐以桂枝即可解太陽未盡之邪仍用人參白
芍甘草以奠安營氣即為輕劑開結之法

柴胡桂枝乾薑湯

柴胡

八兩

桂枝

二兩
去皮

乾薑

二兩

黃芩

三兩

枳實

四兩

牡蠣

二兩

甘草

二兩
炙

右七味以水一斗二升煮取六升去滓 再煮取三升 溫服一升 初服微煩復服汗出愈

揭出三陽經藥以名湯者病在太陽稍涉厥陰非但少陽不得轉樞外出而陽明亦窒而不降故以桂枝行太陽未罷之邪重用柴胡黃芩轉少陽之樞佐以乾薑甘草開陽明之結使以花粉佐牡蠣深入少陰引液上升救三陽之熱不必治厥陰而三陽結邪一一皆從本經而解矣

柴胡加龍骨牡蠣湯

柴胡

四兩

大黃

二兩

人參

一兩

半夏

二合

生薑

一兩

錢切

五

大棗

六枚

龍骨

一兩

牡蠣

一兩

錢熬

五

桂枝

一兩

鉛丹

五錢

一兩
黃芩

五錢

茯苓

一兩

方無黃芩

一兩半

一

右十二味以水八升煮取四升 內大黃切如碁子

更煮一二沸去滓 溫服一升

足經方治手經病者參苓龍牡鉛丹入足經而可轉行
於手經者也手少陰煩驚從足太少陽而來故仍從柴

桂立方邪來錯雜不一藥亦錯雜不一以治之柴胡引陽藥升陽大黃領陰藥就陰人參炙草助陽明之神明即所以益心虛也茯苓半夏生薑啟少陽三焦之樞機即所以通心機也龍骨牡蠣入陰攝神鎮東方甲木之魂即所以鎮心驚也龍牡頑鈍之質佐桂枝即靈邪入煩驚痰氣固結於陰分用鉛丹即墜至於心經浮越之邪借少陽樞轉出於太陽即從茲收安內攘外之功矣

生薑瀉心湯

生薑

四兩切

乾薑

一兩

半夏

半升洗

黃芩

三兩

黃連

一兩

人參

三兩甘草

三兩

大棗

十二枚擘

右八味以水一斗煮取六升去滓 再煮取三升

溫服一升 日三服

瀉心湯有五總不離乎開結導熱益胃然其或虛或實有邪無邪處方之變則各有微妙先就是方胃陽虛不能行津液而致痞者惟生薑辛而氣薄能升胃之津液故以名湯乾薑半夏破陰以導陽黃芩黃連瀉陽以交

陰人參甘草益胃安中培植水穀化生之主宰仍以大棗佐生薑發生津液不使其再化陰邪通方破滯宣陽是亦瀉心之義也

甘草瀉心湯

甘草

四兩

乾薑

三兩

大棗

十二枚

半夏

半升

黃芩

三兩

黃連

三兩

一兩

右六味以水一斗煮取六升去滓再煮取三升

溫服一升 日三服

甘草瀉心非瀉結熱因胃虛不能調劑上下致水寒上
逆火熱不得下降結為痞故君以甘草大棗和胃之陰
乾薑半夏啟胃之陽坐鎮下焦客氣使不上逆仍用苓
連將已逆為痞之氣輕輕瀉却而痞乃成泰矣

附子瀉心湯

附子

一枚炮去皮破別煮取汁用

黃芩

一兩黃連

一兩大黃

二兩

右四味㕮咀三味

以麻沸湯二升漬之須臾絞去

滓內附子汁分溫再服

附子非瀉心之藥見不得已而用寒涼瀉心故以附子
名其湯蓋氣痞惡寒陽氣外撤此際似難用苦寒矣然
其痞未解又不得不用苦寒以瀉其熱顧仲景以大黃
黃連猶為未足再複黃芩蓋因上焦之氣亦拂鬱矣故
三焦皆熱苦寒之藥在所必用又恐其虛寒驟脫故用
三黃撤三焦而瀉熱即用附子徹上下以溫經三黃用
麻沸湯漬附子別煮汁是取三黃之氣輕附子之力重
其義仍在乎救亡陽也

半夏瀉心湯

半夏

半升洗

黃芩

三兩

黃連

一兩

人參

三兩

甘草

炙三兩

乾薑

三兩大棗

十二枚擘

右七味以水一斗煮取六升去滓再煮取三升

溫服一升 日三服

方名半夏非因嘔也病發於陰而反下之因作痞是少陰表証誤下之寒反入裏阻君火之熱化結成無形氣痞按之自濡用乾薑開痞岑連泄熱未能治少陰之結

必以半夏啟一陰之機人蔘甘草大棗壯二陽生氣助
半夏開闢陰寒使其熱化痞解

梔子乾薑湯

梔子

十四枚

乾薑

二兩

右二味以水三升半煮取一升半去滓 分二服

溫進一服 得吐者止後服

煩皆由熱而寒證亦有煩但微耳乾薑和太陰在裏之傷
陽而表熱亦去梔子清心中之微熱而新煩亦除立方

之義陰藥存陰陽藥和陽是調劑陰陽非謂乾薑以熱散寒也

黃芩湯

黃芩

三兩

芍藥

二兩

甘草

二兩

大棗

十二枚

右四味以水一斗煮取三升去滓 溫服一升 日

再夜一服

黃芩湯太少合病自利邪熱不從少陽之樞外出反從樞內陷故舍陽而治陰也芍藥甘草大棗一酸二甘使

酸化甘中以和太陰則腸胃得博厚之通而利止矣

黃芩加半夏生薑湯

黃芩

三兩

芍藥

二兩

甘草

二兩

大棗

十二枚

半夏

半升

生薑

洗

三兩

右六味以水一斗煮取三升去滓 溫服一升

太少合病獨治陽明者熱邪入裏僭逆當從樞轉出陽明用甘草大棗和太陰之陽黃芩芍藥安太陰之陰複以半夏生薑宣陽明之闔助太陽之開上施破縱之法

則邪無容著嘔止利安

黃芩人參湯

黃芩

二兩

人參

二兩

桂枝

二兩
去皮

乾薑

二兩

半夏

半升
洗

大棗

十二

枚擘

右六味以水七升煮取二升去滓 分溫再服

黃芩人復湯傷寒論中有方而無症此太陽纔入少陽故倣小柴胡湯之和解用桂枝之升復黃芩之降亦用人參半夏莫安裏氣薑棗和營衛獨以乾薑易生薑者

欲其守中不欲其上升也

乾薑黃連黃芩人參湯

乾薑

三兩

黃連

三兩

黃芩

三兩

人參

三兩

右四味以水六升煮取二升去滓 分溫再服

厥陰寒格吐逆者陰格於內拒陽於外而為吐用芩連大苦泄去陽熱而以乾薑為之嚮導開通陰寒但誤吐亡陽誤下亡陰中州之氣索然矣故必以人葢補中裨胃陽得轉并可助乾薑之辛衝開陰格而吐止

黃連湯

黃連

三兩

桂枝

二兩 去皮

甘草

三兩 炙

乾薑

三兩

人參

二兩

半夏

半升 大棗

十二枚 擘

右七味以水一斗煮取六升去滓 溫服一升 日

三夜二服

黃連湯和劑也即柴胡湯變法以桂枝易柴胡以黃連易黃芩以乾薑易生薑胸中熱欲嘔吐腹中痛者全因胃中有邪氣阻遏陰陽升降之機故用人參大棗乾薑

半夏專和胃氣使飲入胃中聽胃氣之上下敷布交通
陰陽再用桂枝宣發太陽之氣載引黃連從上焦陽分
瀉熱不使其深入太陰有礙虛寒腹痛

黃連阿膠湯

黃連

四兩

黃芩

一斤

芍藥

二兩

阿膠

三兩

雞子黃

二枚

右五味以水五升先煮三物取二升去滓內膠烱

盡小冷內雞子黃攪令相得溫服七合日三

服

芩連瀉心也阿膠雞子黃養陰也各舉一味以名其湯者當相須為用也少陰病煩是君火熱化為陰煩非陽煩也芩連之所不能治當與阿膠雞子黃交合心腎以除少陰之熱雞子黃色赤入通於心補離中之氣阿膠色黑入通於腎補坎中之精第四者沉陰滑利恐不能留戀中焦故再佐芍藥之酸瀉從中收陰而後清熱止煩之功得建

厚朴生薑半夏甘草人參湯

厚朴

八兩去皮炙

生薑

八兩切

半夏

半升洗

人參

一兩

甘草

二兩

炙

右五味以水一斗煮取三升去滓 溫服一升 日

二服

太陰病當腹滿是傷中也與吐下後邪氣入裏腹脹治法不同厚朴寬脹下氣生薑散滿升津半夏利竅通陰陽三者有升降調中之理佐以甘草和陰人參培陽補之泄之則陰結散虛滿消

旋覆代赭石湯

旋覆花

三兩

代赭石

一兩

生薑

五兩切

大棗

十二枚擘

人參

一兩

半夏

半升洗

甘草

三兩

右七味以水一斗煮取六升去滓 再煮取三升

溫服一升 日三服

旋覆代赭石湯鎮陰宣陽方也以之治噫噫者上焦病聲也脾失升度肺失降度陰盛走於胃屬於心而為聲故用旋覆醎降肺氣代赭重鎮心包絡之氣半夏以通

胃氣生薑大棗以宣脾氣而以人參甘草奠安陽明不
容陰邪復遏則陰寧於裏陽發於表上中二焦皆得致
和矣

赤石脂禹餘糧湯

赤石脂

一斤
碎

禹餘糧

一斤
碎

右二味以水六升煮取二升去滓每日三服

仲景治下焦利重用固澁者是殆以陽明不闔太陰獨
開下焦關闡盡撤耳若以理中與之從甲已化土復用

開法非理也當用石脂酸溫歛氣餘糧固澁勝濕取其性皆重墜直走下焦從戊己化土闔法治之故開太陽以利小便亦非治法惟從手陽明攔截穀道修其關閘斯為直捷痛快之治

芍藥甘草附子湯

芍藥 三兩 甘草 三兩 附子 一枚炮去皮破八片

右三味以水五升煮取一升五合去滓 分溫三

服

芍藥甘草附子湯太陽少陰方也太陽致亡陽本由少陰不內守少陰表惡寒實由太陽不外衛故取芍藥安內熟附攘外尤必藉甘草調和緩芍附從中斂戢真陽則附子可招散失之陽芍藥可收浮越之陰

炙甘草湯

一名復脈湯

甘草

炙四兩

桂枝

去皮三兩

人參

二兩

麻子仁

半升

生地

一斤阿

膠

二兩

麥門冬

半升去心

生薑

三兩切

大棗

十二枚擘

右九味以清酒七升水八升先煮八味取三升去

滓 內膠烱消盡 溫服一升 日三服

炙甘草湯仲景治心悸王燾治肺痿孫思邈治虛勞三者皆是津涸燥淫之證至真要大論云燥淫於內金氣不足治以甘辛也第藥味不從心肺而主乎肝脾者是陽從脾以致津陰從肝以致液各從心肺之母以補之也人參麻仁之甘以潤脾津生地阿膠之醎苦以滋肝液重用生地冬濁味恐其不能上升故君以炙甘草之氣厚桂枝之輕揚載引地冬上承肺燥佐以清酒芳香入

血引領地冬歸心復脈仍使以薑棗和營衛則津液悉上供於心肺矣喻嘉言曰此仲景傷寒門中之聖方也仲景方每多通利於此處特開門戶重用生地再借用麥冬手經藥者麥冬與地黃人復氣味相合而脾胃與心經亦受氣相交脈絡之病取重心經故又名復脈

當歸四逆湯

當歸

三兩

桂枝

三兩

白芍

三兩

細辛

三兩

大棗

二十五枚

甘草

二兩

炙

通草

二兩

右七味咬咀 以水八升煮取三升去滓 溫服一
升 日三服

當歸四逆不用薑附者陰血虛微恐重劫其陰也且四
逆雖寒而不至於冷亦惟有調和厥陰溫經復營而已
故用酸甘以緩中則營氣得至太陰而脈生辛甘以溫
表則衛氣得行而四末溫不失辛甘發散之理仍寓治
肝四法如桂枝之辛以溫肝陽細辛之辛以通肝陰當
歸之辛以補肝甘棗之甘以緩肝白芍之酸以瀉肝復

以通草利陰陽之氣開厥陰之絡

當歸四逆加吳茱萸生薑湯

當歸

三兩桂枝三兩

芍藥

三兩細辛三兩

甘草

二兩炙

木通

二兩

大棗

二十五枚擘

吳茱萸

二兩生薑

八兩切

右九味咬咀

以水四升清酒四升

煮取三升去

滓溫服一升日三服

厥陰四逆證有屬絡虛不能貫於四末而為厥者當用歸芍以和營血若久有內寒者無陽化陰不用薑附者

恐燥劫陰氣變出涸津亡液之證只加吳茱萸從上達
下生薑從內發表再以清酒和之何患陰陽不和四逆
不溫也耶

烏梅丸

烏梅

三百箇

人參

六兩

當歸

四兩

黃連

一觔

黃柏

六兩

桂枝

六兩

乾薑

十兩

蜀椒

四兩

附子

八兩

細辛

六兩

右十味各搗篩合治之

以苦酒浸烏梅一宿去核

蒸之五升米下飯熟搗成泥和藥令相得 內臼中

與蜜杵二千下圓如桐子大 先食飲服十九 日
三服 稍加至二十九 禁生冷滑物臭食等

烏梅漬醋益其酸急瀉厥陰不欲其緩也桂椒辛附薑
重用辛熱升達諸陽以辛勝酸又不欲其收斂陰邪也
桂枝蜀椒通上焦君火之陽細辛附子啓下焦腎中生
陽人復乾薑當歸溫中焦脾胃之陽則連栢瀉心滋腎
更無亡陽之患而得厥陰之治法矣合為丸服者又欲
其藥性逗留胃中以治虵厥俾酸以縮虵辛以伏虵苦

以安蛻也至於臟厥亦由中土不得陽和之氣一任厥陰
肆逆也以酸瀉肝以辛散肝以人參補土緩肝以連栢
監制五者之辛熱過於中焦而後分行於足三陰臟厥
雖危或得溫之散之補之瀉之使之陰陽和平焉有厥
不止耶

燒禪散

取婦人中禪近隱處剪燒灰 以水和服方寸匕

日三服 小便即利陰頭微腫則愈婦人病取男子

褲襠燒灰

褲襠穿之日久者良陰陽易本無客邪惟病人愈後蘊蓄之熱乘虛襲人溷逆三焦仍取穢濁之物導歸陰竅亦求之於其所屬也燒以潔其污灰取其色黑下行

絳雪園古方選註卷一

欽定四庫全書

絳雪園古方選註卷二

蘇州王子接撰

寒劑

白虎湯

石膏

一觔碎
綿裹

知母

六兩

甘草

二兩
炙

粳米

六合

右四味以水一斗煮米熟湯成去滓 溫服一升

日三服

白虎湯治陽明經表裏俱熱與調胃承氣湯為對峙調胃承氣導陽明腑中熱邪白虎泄陽明經中熱邪石膏泄陽知母滋陰粳米緩陽明之陽甘草緩陽明之陰因石膏性重知母性滑恐其疾趨於下另設煎法以米熟湯成俾辛寒重滑之性得粳米甘草載之於上逗遛陽明成清化之功名曰白虎者虎為金獸以明石膏知母之辛寒肅清肺金則陽明之熱自解實則瀉子之理也白虎加人參湯

石膏

一斤 碎
綿裹

知母

六兩

甘草

二兩
炙

粳米

六合

人參

三兩

右五味以水一斗煮米熟湯成去滓 溫服一升

日三服

陽明熱病化燥用白虎加人復者何也石膏辛寒僅能散表熱知母甘苦僅能降裏熱甘草粳米僅能載藥留於中焦若胃經熱久傷氣氣虛不能生津者必須人參養正回津而後白虎湯乃能清化除燥

竹葉石膏湯

竹葉

把二

石膏

斤一

麥門冬

去心

人參

兩三

半夏

洗

甘

半升

草

二兩

粳米

半升

右七味以水一斗煮取六升去滓

內粳米煮米熟

湯成去米

溫服一升

日三服

竹葉石膏湯分走手足二經而不悖於理者以胃居中焦分行津液於各臟補胃瀉肺有補母瀉子之義也竹葉石膏麥冬瀉肺之熱人參半夏炙草平胃之逆複以粳米緩於中使諸藥得成清化之功是亦白虎越脾麥

冬三湯變方也

葛根黃芩黃連湯

葛根

八兩

甘草

三兩

黃芩

三兩

黃連

三兩

右四味以水八升先煮葛根減二升內諸藥煮取

二升去滓分溫再服

是方即瀉心湯之變治表寒裏熱其義重在芩連肅清裏熱雖以葛根為君再為先煎無非取其通陽明之津佐以甘草緩陽明之氣使之鼓舞胃氣而為承宣苦寒

之使清上則喘定清下則利止裏熱解而邪亦不能留戀於表矣

梔子栝皮湯

梔子

十五箇擘

甘草

一兩炙

黃栝

二兩

右三味以水四升煮取一升半去滓分溫再服

梔子栝皮表劑也以寒勝熱以苦燥濕已得治黃之要矣而乃緩以甘草者黃必內合太陰之濕化若發熱者熱已不瘀於裏有出表之勢故汗下皆所不必但當冀

安脾土使濕熱二邪不能復合其黃自除 梔子厚朴
湯言熱梔子乾薑湯言寒治皆在裏此章之治則在表
也

白頭翁湯

白頭翁

二兩

秦皮

三兩

黃連

三兩

黃栢皮

三兩

右四味以水七升煮取二升去滓 溫服一升

白頭翁湯治厥陰熱利後重者太少二陰下利屬寒惟
厥陰下利主熱以厥陰司相火也故以白頭翁涼陽明

血分之熱秦皮收厥陰之濕黃連勝中焦之熱黃柏燥
下焦之濕四者皆味苦性寒直入下焦堅陰止利考本
草白頭翁秦皮各列品類而今世所用乃於柴胡中揀
出紫皮頭有白毛者為白頭翁以防風細辛之繫縛為
秦皮余謂白頭翁沾柴胡之氣可入少陽秦皮沾細辛
之氣可入少陰當與禹餘糧湯並參但漢時採藥未識
亦如是否存之以質君子

文蛤散

文蛤

五兩

右一味為散 以沸湯和一錢匕服 湯用五合

蛤稟天一之剛氣而生故能獨用建功味鹹性燥鹹寒足以勝熱寒燥足以滲濕大陷胸湯治太陽內水結於胸膈此治水寒之氣外鬱於表陽縮於內而成結胸只須滲泄水氣功斯畢矣取用紫斑紋者得陰陽之氣若黧色無紋者餌之令人狂走赴水

大黃黃連瀉心湯

大黃

二兩黃連

一兩

右二味以麻沸湯二升漬之須臾絞去滓分溫再

服

痞有不因下而成者君火亢盛不得下交於陰而為痞
按之虛者非有形之痞獨用苦寒便可泄却如大黃瀉
營分之熱黃連泄氣分之熱且大黃有攻堅破結之能
其泄痞之功即寓於瀉熱之內故以大黃名其湯以麻
沸湯漬其須臾去滓取其氣不取其味治虛痞不傷正

氣也

茵陳蒿湯

茵陳蒿

六兩

梔子

十四枚

大黃

二兩去皮

右三味以水一斗先煮茵陳減六升內二味煮取

三升去滓分溫三服小便當利尿如皂角汁狀

色正赤一宿腹減黃從小便去也

茵陳散肌表之濕得大黃則兼瀉中焦之鬱熱山梔逐肉理之濕得大黃則兼瀉上焦之鬱熱惟其性皆輕浮

故與大黃僅入氣分泄熱利小便建退黃之功與調胃承氣僅瀉無形之熱同義無枳實芒硝不能疾行大便故不得妄稱為下法

豬膚湯

豬膚


一斤用白皮去其內肥刮令如紙薄

右一味以水一斗煮取五升去滓加白蜜一升白

粉五合熬香和令相得溫分六服

腎應羶而肺主膚腎液下泄不能上蒸於肺致絡燥而

為咽痛者又非甘草所能治矣當以豬膚潤肺腎之燥
解虛煩之熱白粉白蜜緩於中俾豬膚比類而致津液
從腎上入肺中循喉嚨復從肺出絡心注胸中而上中下
燥邪解矣



絳雪園古方選註卷二

欽定四庫全書

子部
絳雪園古方選註卷六
三至

詳校官太醫院八品吏目_臣黃發

編修臣倉聖脉覆勘

總校官原任中允_臣王燕緒

校對官學正_臣陳木

謄錄監生_臣蔣鳳姓

欽定四庫全書

絳雪園古方選註卷三

蘇州王子接撰

溫劑

四逆湯

甘草

炙二兩

乾薑

一兩半

附子

一枚生用去皮切八片

右三味以水三升煮取一升二合去滓分溫再服

強人可用大附子一枚乾薑三兩

四逆者四肢逆冷因證以名方也凡三陰一陽證中有厥者皆用之故少陰用以救元海之陽太陰用以溫臟中之寒厥陰薄厥陽欲立亡非此不救至於太陽誤汗亡陽亦用之者以太少為水火之主非交通中土之氣不能內復真陽故以生附子生乾薑徹上徹下開闢羣陰迎陽歸舍交接於十二經反覆以炙草監之者亡陽不至於大汗則陽未必盡亡故可緩制留中而為外召陽氣之良法

通脈四逆湯

甘草

二兩炙

附子

大者一枚生用去皮破八片

乾薑

三兩強人可用四兩

右三味以水三升煮取一升二合去滓分溫再服其脈即出者愈後加減

通脈四逆少陰格陽面赤陽越欲亡急用乾薑生附子
門而入驅散陰霾甘草監制薑附烈性留頓中宮扶持
太和元氣藉葱白入營通脈庶可迎陽內返推仲景之
心只取其脈通陽返了無餘義矣至於腹痛加芍藥嘔

加生薑咽痛加桔梗利不止加人葠或涉太陰或干陽明或陰火僭上或穀氣不得非格陽證中所必有者也故仲景不列藥品於主方之內學者所當詳審

人參四逆湯

人參

一兩

甘草

二兩炙

乾薑

一兩五錢

附子

一枚生去皮切八片

右四味以水三升煮取一升二合去滓分溫再

服

四逆加人葠治亡陰利止之方蓋陰亡則陽氣亦與之

俱去故不當獨治其陰而以乾薑附子溫經助陽人參
甘草生津和陰

茯苓四逆湯

茯苓

六兩

乾薑

一兩五錢

附子

一枚生

甘草

二兩炙

人參

一兩

右五味咬咀

以水五升煮取一升二合去滓分

溫再服

茯苓四逆湯即真武湯之變方太陽篇中汗出煩躁禁
用大青龍即以真武湯救之何況煩躁生於先汗後下

陽由誤下而欲亡能不救下元之真陽乎故重用茯苓
六兩滲泄人後甘草下行以安欲失之真陽生用乾薑
附子以祛未盡之寒邪陽和躁寧不使其手足厥逆故
亦名四逆

通脈四逆加猪胆汁湯

乾薑

三兩強
人四兩

甘草

二兩
炙

附子

大者一
枚生用

猪胆汁

四合

右三味以水三升煮取一升二合去滓 内猪胆汁

分温再服

四逆加胆汁為陽虛陰甚從治之方津液內竭脈微欲絕是亡陰亡陽由於吐已下後用四逆必當通脈固中焦胃陽啓下焦元陽但陰甚格拒恐陽藥入中強梁不伏故以豬胆汁苦寒從陰之性引領陽藥從心通脈先和陰而後復陽

白通湯

葱白

四莖

乾薑

一斤

附子

一枚

生用去皮臍破八片

右三味以水三升煮取一升去滓分溫再服

白通者薑附性燥腎之所苦須藉葱白之潤以通於腎
故名若夫金匱云面赤者加葱白則是葱白通上焦之
陽下交於腎附子啓下焦之陽上承於心乾薑溫中土
之陽以通上下上下交水火濟利自止矣按脈之生原
下起於腎由腎而中歸於胃由胃而上出於心由心而
大會於肺外出於經脈三者能變通於上下亦由是也
白通加猪胆汁湯

人尿

五合

猪胆汁

一合

葱白

四莖

乾薑

一斤

附子

一枚

生用

去皮破八

片

已上三味以水三升煮取一升去滓 內胆汁人尿
和令相得 分溫再服 若無胆亦可用

白通湯陽藥也少陰下利寒氣太甚內為格拒陽氣逆
亂當用監制之法人尿之鹹勝豬胆之苦豬胆之苦勝薑蔥附
之辛辛受制於鹹苦則鹹苦為之向導便能下入少陰
俾冷性消而熱性發其功乃成此又為外護法也

附子湯

附子

二枚生用去皮

茯苓

三兩

白芍

三兩

人蔘

二兩

白朮

四兩

右五味以水八升煮取三升去滓 溫服一升 日

三服

附子湯少陰固本禦邪之劑功在倍用生附力肩少陰之重任故以名方其佐以太厥之藥者扶少陰之陽而不調太厥之開闔則少陰之樞紐終不得和故用白朮以培太陰之開白芍以收厥陰之闔茯苓以利少陰之以樞紐獨是少陰之邪其出者從陰內注於骨苟非生附

焉能直入少陰注於骨間散寒救陽尤必人後佐生附方能下鼓水中之元陽上資君火之熱化全賴元陽一起而少陰之病霍然矣再論藥品與真武相同唯生熟分兩各異其補陽鎮陰之分岐只在一味轉旋學者所當深心體會

朮附湯

白朮

四兩

附子

三枚炮去皮破八片

甘草

二兩炙

生薑

二兩切

大棗

十二枚擘

右五味以水六升煮取二升去滓 分溫三服 初服其人覺身如痺半日許復服之三服盡 其人如冒狀勿怪此以附子與朮並走皮中逐水氣未得除故使之耳

濕勝於風者用朮附湯以濕之中人也太陰受之白朮健脾去濕熟附溫經去濕佐以薑棗和表裏不必治風但使濕去則風無所戀而自解矣

桂枝附子湯

桂枝

四兩去皮

熟附子

三枚炮去皮
臍破八片

甘草

二兩炙

生薑

三兩

切

大棗

十二枚擘

右五味以水六升煮取二升去滓

分溫三服

桂枝附子湯兩見篇中一治亡陽一治風濕治風濕者以風為天之陽邪桂枝甘草辛甘可以化風濕為地之陰邪熟附可以溫經去濕治亡陽者心陽虛而汗脫桂枝能固心經漏泄之汗太陽虛而津液不藏熟附能固亡陽之汗佐以薑棗者凡表裏有邪皆用之此風勝於

濕之主方

甘草附子湯

甘草

二兩炙

附子

二枚炮去皮破八片

白朮

二兩

桂枝

四兩去皮

右四味以水六升煮取三升去滓 溫服一升 日

三服

甘草附子湯兩表兩裏之偶方風淫於表濕流關節陽衰陰勝治宜兩顧白朮附子顧裏勝濕桂枝甘草顧表化風獨以甘草冠其名者病深關節義在緩而行之徐

徐救解也

桂枝去芍藥加附子湯

桂枝

三兩
去皮

甘草

二兩
炙

生薑

三兩
切

大棗

十二
枚擘

附子

一枚

炮去皮
破八片

右五味㕮咀

以水七升煮取三升去滓

溫服一

升惡寒止停後服

桂枝湯去芍藥加附子者下後微惡寒顯然陽氣渙散於中下矣當急救其陽毋暇顧戀陰氣以附子直從下

焦溫經助陽臣以桂枝甘草載還中焦陽氣以杜亡陽之機為禦後之策

甘草乾薑湯

甘草 炙 四兩 乾薑 二兩

右二味㕮咀 以水三升煮取一升五合去滓 分

溫再服

甘草乾薑湯桂枝甘草湯同為辛甘化陽而有分頭異治之道桂枝走表治太陽表虛乾薑守中治少陰裏虛

病雖在太陽而見少陰裏虛證當溫中土制水寒以復其陽至於二方分兩亦各有別彼用桂枝四兩甘草二兩是辛勝於甘此用甘草四兩乾薑二兩為甘勝於辛辛勝則能走表護陽甘勝則能守中復陽分兩之間其義精切如此

乾薑附子湯

乾薑一枚 附子一枚
炮

兩 去皮

右二味以水三升煮取一升頓服之

乾薑附子湯救太陽壞病轉屬少陰者由於下後復汗一誤再誤而亡其陽致陰躁而見於晝日是陽亡在頃刻矣當急用生乾薑助生附子純用辛熱走竄透入陰經比四逆之勢力尤峻方能驅散陰霾復渙散真陽若猶豫未決必致陽亡而後已

理中圓 及湯

人蔘

三兩

甘草

三兩

白朮

三兩

乾薑

三兩

右四味搗篩為末蜜和丸如雞子黃大 以沸湯數

合和一丸研碎溫服之 日三四服夜二服 腹中
未熱益至三四丸 然不及湯湯法以四物依兩數
切 用水八升煮取三升去滓 溫服一升 日三
服 加減法

理中者理中焦之氣以交於陰陽也上焦屬陽下焦屬
陰而中焦則為陰陽相偶之處仲景立論中焦熱則主
五苓以治太陽中焦寒則主理中以治太陰治陽用散
治陰用丸皆不及於湯恐湯性易輸易化無留戀之能

少致和之功耳人參甘草甘以和陰也白朮乾薑辛以和陽也辛甘相輔以處中則陰陽自然和順矣

桂枝人參湯

桂枝

四兩

甘草

四兩

人參

三兩

白朮

三兩

乾薑

三兩

右五味以水九升煮四味取四升去滓 內桂更煮

取三升去滓 溫服一升 日再夜一服

理中加人參桂枝去芍藥不曰理中而曰桂枝人參者言桂枝與理中表裏分頭建功也故桂枝加一兩甘草

加二兩其治外脇熱而裏虛寒則所重仍在理中故先
煮四味而後內桂枝非但人參不佐桂枝實表並不與
桂枝相忤宜乎直書人參而不諱也

吳茱萸湯

吳茱萸

洗一升

人參

三兩

生薑

六兩切

大棗

十二枚擘

右四味以水七升煮取二升去滓 溫服七合 日

三服

吳茱萸湯厥陰陽明藥也厥陰為兩陰交盡而一陽生

氣實寓於中故仲景治厥陰以護生氣為重生氣一虧則濁陰上干陽明吐涎沫食穀欲嘔煩躁欲死少陰之陽并露矣故以吳茱萸直入厥陰招其垂絕之陽與人覆震坤合德以保生氣仍用薑棗調其營衛則參茱因之以承宣中下二焦不治心肺而涎沫得攝嘔止煩寧真武湯

茯苓

三兩

芍藥

三兩

生薑

三兩切

白朮

二兩

附子

一枚炮去皮破八片

右五味以水八升煮取三升去滓

溫服七合 日

三服 後加減

朮苓芍薑脾胃藥也太陽少陰水臟也用崇土法鎮攝
兩經水邪從氣化而出故名真武茯苓淡以勝白朮之
苦則苦從淡化便能入腎勝濕生薑辛以勝白芍之酸
則酸從辛化便能入膀胱以攝陽然命名雖因崇土其
出化之機畢竟重在坎中無陽假使腎關不利不由膀
胱氣化焉能出諸小便故從上不寧之水全賴附子直
走下焦以啓其陽則少陰水邪必從陽部注於經而出

矣非但裏鎮少陰水泛并可外禦太陽亡陽

桃花湯

赤石脂

一斤一半全用一半節末

乾薑

一兩 粳米

一升

右三味以水七升煮米令熟去滓 溫服七合 內

赤石脂末方寸匕日三服 若一服愈餘勿服

桃花湯非名其色也腎臟陽虛用之一若寒谷有陽和之致故名石脂入手陽明經乾薑粳米入足陽明經不及於少陰者少陰下利便血是感君火熱化太過閉藏

失職開閘盡撤緩則亡陰矣故取石脂一半同乾薑粳
米留戀中宮載住陽明經氣不使其陷下再內石脂末
方寸七留藥以沾大腸截其道路庶幾利血無源而自
止其腎臟亦安矣

絳雪園古方選註卷三

欽定四庫全書

絳雪園古方選註卷四

蘇州王子接撰

汗劑

麻黃湯

麻黃

三兩
去節

杏仁

七十粒
去皮尖

桂枝

二兩
去皮

甘草

一兩
炙

右四味以水九升先煮麻黃減二升去上沫 內諸

藥煮取二升半去滓 溫服八合覆取微似汗 不

須啜粥餘如桂枝法將息

麻黃湯破營方也試觀立方大義麻黃輕清入肺杏仁重濁入心仲景治太陽初病必從心營肺衛入意也分言其功能麻黃開竅發汗桂枝和陽解肌杏仁下氣定喘甘草安內攘外四者各擅其長有非諸藥之所能及兼論其相制七法桂枝外監麻黃之發表不使其大汗亡陽甘草內守麻黃之出汗不使其劫陰脫營去薑棗者薑性上升又恐礙麻黃發表棗味緩中又恐阻杏仁

下氣輾轉回顧無非欲其神速一劑奏績若喜功屢用必不戢而名亡陽之禍矣故服已又叮嚀不須啜粥亦恐有留戀麻黃之性也

麻黃杏仁甘草石膏湯

麻黃

四兩

杏仁

五十箇泡
去皮尖

甘草

二兩
炙

石膏

八兩碎
綿裹

右四味以水七升先煮麻黃減一升去上沫 內諸

藥煮取二升去滓 溫服一升 本云黃耳枓

喘家作桂枝湯加厚朴杏子治寒喘也今以麻黃石膏

加杏子治熱喘也麻黃開毛竅杏仁下裏氣而以甘草
載石膏辛寒之性從肺發泄俾陽邪出者出降者降分
頭解散喘雖忌汗然此重在急清肺熱以存陰熱清喘
定汗即不輟而陽亦不亡矣觀二喘一寒一熱治法仍
有營衛分途之義

麻黃附子甘草湯

麻黃

二兩
去節

附子

一枚
泡去
皮切
八片

甘草

二兩
炙

右三味以水七升先煮麻黃一二沸去上沫 內諸

藥煮取三升去滓 溫服一升 日三服

少陰無裏症欲發汗者當以熟附固腎不使麻黃深入
腎經劫液為汗更妙在甘草緩麻黃於中焦取水穀之
津為汗則內不傷陰邪從表散必無過汗亡陽之慮矣
麻黃附子細辛湯

麻黃

二兩
去節

細辛

二兩

附子

一枚炮去
皮破八片

右二味以水一斗先煮麻黃減二升去上沫 內諸

藥煮取三升去滓 溫服一升 日三服

少陰得太陽之熱而病者用麻黃發太陽之表汗細辛散少陰之浮熱相須為用欲其引麻黃入於少陰以出太陽陷入之邪尤藉熟附合表裏以溫經外護太陽之剛氣內固少陰之腎根則津液內守而微陽不致外亡此從裏達表由陰出陽之劑也

麻黃升麻湯

麻黃

二兩半
去節

升麻

一兩
一分

當歸

一兩
一分

知母

十八
銖

黃芩

十八
銖

姜薤

十八
銖

石膏

碎綿
裏

天門冬

去心一方
用麥門冬

茯苓

甘草

炙

白朮

白芍藥

乾薑

桂枝

各六銖

右十四味以水一斗先煮麻黃一二沸去上沫內

諸藥煮取三升去滓分溫三服相去如炊三斗

米頃令盡汗出愈

麻黃升麻湯方中升散寒潤收緩滲泄諸法具備推其所重在陰中升陽故以麻黃升麻名其湯膏苓知母苦辛清降上焦之津芍藥天冬酸苦收引下焦之液苓草甘淡以生胃津液歸本姜莖緩脾以致津液獨是九味

之藥雖有調和之致不能提出陰分熱邪故以麻黃升
麻桂枝乾薑開入陰分與寒涼藥從化其熱庶幾在上
之燥氣除在下之陰氣堅而厥陰錯雜之邪可解

麻黃連軀赤小豆湯

連軀即連翹根弘景曰方藥不用
無人識者蘇恭亦退入有名未用

中

麻黃

二兩
去節

連軀

二兩

赤小豆

一升

杏仁

四十個
去皮尖

生薑

二兩

切生梓白皮

一升

甘草

二兩
炙

大棗

十二枚
擘

已上八味以潦水一斗先煮麻黃再沸去上沫

內諸藥煮取三升 分溫三服 半日服盡

麻黃連軀赤小豆湯表裏分解法或太陽之熱或陽明之熱內合太陰之濕乃成瘵熱發黃病雖從外之內而粘著之邪當從陰以出陽也杏仁赤小豆泄肉理濕熱生薑梓白皮泄肌表濕熱仍以甘草大棗奠安太陰之氣麻黃使濕熱從汗而出太陽連軀根導濕熱從小便而出太陽潦水助藥力從陰出陽經云濕上甚為熱若濕下行則熱解熱解則黃退也

大青龍湯

麻黃

六兩
去節

桂枝

二兩
去皮

甘草

二兩
炙

杏仁

四十個
去皮尖

生薑

三兩
切

大棗

十二
枚擘

石膏

如雞子大
碎綿裹

右七味以水九升先煮麻黃減二升去上沫 內諸

藥煮取三升去滓 溫服一升取微似汗 汗出多

溫粉撲之 一服汗者停後服

麻黃桂枝越脾互複成方取名於龍者辛熱之劑複以

石膏變為辛涼正如龍為陽體而變其用則為陰雨也

太陽寒鬱於表而生喘用杏仁降之太陽熱灼於裏而無汗用石膏泄之麻黃發汗甘草護營復有薑棗以調之方義專在泄衛故不用芍藥欲其直達下焦故倍加鉅兩從衛分根本上泄邪庶幾表裏鬱熱之氣頃刻致和不使有傳變之虞內經治遠用奇方大制故稱大青龍

小青龍湯

麻黃

三兩
去節

桂枝

二兩
去皮

芍藥

三兩

乾薑

三兩

細辛

三兩

五味

子甘草

半升 三兩 炙

半夏

半升 湯洗

右八味以水一斗先煮麻黃減二升去上沫 內諸

藥煮取三升去滓 溫服一升

小青龍湯治太陽表裏俱寒方義迥異於大青龍之治裏熱也蓋水寒上逆即涉少陰腎虛不得已而發表豈可不相綰照獨泄衛氣立剋孤陽之根乎故於麻桂二湯內不但留芍藥之收拘其散表之猛再複乾薑五味攝太陽之氣監制其逆細辛半夏辛滑香幽導綱藥深

入少陰溫散水寒從陰出陽推測全方是不欲發汗之意推原神妙亦在乎陽劑而以歛陰為用偶方小制故稱之曰小青龍

桂枝麻黃各半湯

桂枝

一兩十六銖去皮

麻黃

一兩去節

芍藥

一兩

杏仁

二十四粒去皮尖

甘草

一兩炙

生薑

一兩切

大棗

四枚擘

右七味以水五升先煮麻黃一二沸去上沫內諸藥煮取一升八合去滓溫服六合

桂枝麻黃互複註解者皆為兩解法是以淺陋之見測作聖之深心良可慨也曷不觀其法先煮麻黃後內諸藥顯然麻黃為主而以桂枝芍藥為監制也蓋太陽邪未解又因陰陽俱虛汗吐下皆禁不能勝麻黃之銳故監以桂枝約以白芍而又銖兩各減其半以為小制服後得小汗即已庶無大汗亡陽之過爾

桂枝二麻黃一湯

桂枝

銖一兩十七銖去皮

芍藥

銖一兩六銖

甘草

銖一兩二銖炙

麻黃

銖十六銖去

節

杏仁

十六個
去皮尖

生薑

一兩六
銖切

大棗

五枚
擘

右七味以水五升先煮麻黃一二沸去上沫 內諸

藥煮取二升去滓 溫服一升 日再服

桂枝銖兩多麻黃銖數少即啜粥助汗之變法桂枝湯減用四分之二麻黃湯減用四分之一則固表護陰為主而以發汗為複假麻黃開發血脈精氣助桂枝湯於衛分作微汗耳第十六銖麻黃不能勝一兩十七銖桂枝一兩六銖白芍則發汗之力太微故又先煮麻黃為

之嚮道而以桂芍襲其後也

桂枝二越脾一湯

桂枝

十八銖
去皮

芍藥

十八銖

甘草

十八銖

生薑

一兩
二銖

大棗

四枚
擘

麻黃

十八銖
去節

石膏

二十四銖
碎綿裹

右七味㕮咀

以水五升煮麻黃一二沸去上沫

內諸藥煮取二升去滓

溫服一升

本方當裁為

越脾湯桂枝湯合飲一升

今合為一方桂枝二越

脾一

桂枝二越脾一湯治脈微無陽無陽者陽分亡津之謂
故於桂枝湯照原方用四分之二以和陽越脾湯照原
方用四分之一以行陰行陰者發越脾氣而行胃中之
津俾陽和津生而脈復因其病在陽故有陽用二陰用
一之殊後人稱越脾者傳寫之誤也

葛根湯

葛根

四兩

麻黃

三兩
去節

桂枝

二兩
去皮

白芍

二兩

甘草

二兩
炙

生

薑

三兩
切

大棗

十二枚
擘

右七味呖咀 以水一斗先煮麻黃葛根減二升去沫 內諸藥煮取三升去滓 溫服一升 覆取微似汗 不須啜粥餘如桂枝法將息及禁忌

葛根湯即桂枝湯加麻黃倍葛根以去營實小變麻桂之法也獨是葛根麻黃治營衛實芍藥桂枝治營衛虛方中虛實互複者其微妙在法先煮麻黃葛根減二升後內諸藥則是發營衛之汗為先而固表收陰襲於後不使熱邪傳入陽明也故仲景治太陽病未入陽明者

用以驅邪斷入陽明之路若陽明正病中未嘗有葛根之方東垣易老謂葛根是陽明經主藥誤矣

葛根加半夏湯

葛根

四兩

麻黃

三兩去節湯泡去黃汁焙乾

桂枝

二兩去皮

芍藥

二兩

草

二兩炙

生薑

三兩切

大棗

十二枚擘

半夏

半升洗

右八味以水一斗先煮葛根麻黃減二升去白沫

內諸藥煮取三升去滓溫服一升覆取微似

汗

葛根湯升劑也半夏辛滑芍藥收陰降藥也太陽陽明
兩經皆病開闔失機故以升降法治之麻葛薑桂其性
皆升惟其升極即有降理寓於其中又有芍藥甘草奠
安中焦再加半夏以通陰陽而氣遂下嘔亦止是先升
後降之制也

絳雪園古方選註卷四

欽定四庫全書

絳雪園古方選註卷五

蘇州王子接撰

吐劑

梔子豉湯

梔子

十四枚
擘生用

香豉

四合
綿裹

右二味以水四升先煮梔子得二升半 內豉煮取
一升半去滓 分為二服 溫進一服 得吐者止

後服

梔子豉湯為輕劑以吐上焦虛熱者也第梔子本非吐藥以此二者生熟互用湧泄同行而激之吐也蓋梔子生則氣浮其性涌香豉蒸罨熟腐其性泄涌者宣也泄者降也既欲其宣又欲其降兩者氣爭於陽分自必從宣而越於上矣余以生升熟降為論柯韻伯以梔子之性屈曲下行淡豉腐氣上蒸而為吐引證瓜蒂散之吐亦在於豉汁吾恐瓜蒂亦是上涌之品吐由瓜蒂非豉

汁也存之以俟君子教我

梔子甘草豉湯

梔子

十四枚
生用

甘草

二兩

香豉

四合
綿裹

右三味以水四升先煮梔子甘草得二升半 內豉

煮取一升半去滓 分二服 溫進一服 得吐止

後服

梔子豉湯吐胸中熱鬱之劑加甘草一味能治少氣而
諸家註釋皆謂益中非理也蓋少氣者一如飲家之短

氣也熱蘊至高之分乃加甘草載梔豉於上須臾即吐
越出至高之熱

梔子生薑豉湯

梔子

十四枚
生用

生薑

五兩

香豉

四合
綿裹

右三味以水四升先煮梔子生薑得二升半 內豉

煮取一升半去滓 分二服溫進一服 得吐止後

服

梔子豉湯加生薑則又何說也蓋梔豉為輕劑以吐胸

中之熱若嘔則熱更在卑室於胃矣故加生薑入胃升散引領桅豉從胃中湧熱上出也 首章言胸中窒塞前章言胸之上此章言胸之下

梔子厚朴湯

梔子

十四枚
生用

厚朴

四兩
薑炙

枳實

四兩湯浸
去穰炒

右三味以水三升半煮取一升半去滓 分二服溫

進一服 得吐止後服

梔子厚朴湯下後遺熱心煩起臥不安腹滿是三焦病

矣故以上涌下泄為治凡用梔子皆取其上涌客熱復以厚朴枳實者取其酸苦下泄陰滯不煩不滿而起臥亦安矣

瓜蒂散

瓜蒂

一分
熱黃

赤小豆

一分
香豉
一合

右三味各別搗篩為散已合治之取一錢匕以香豉一合用熱湯七合煮作稀糜去滓取汁和散溫頓服之不吐者少少加得快吐乃止諸亡血虛家

不可與瓜蒂散

赤小豆按本草用細粒赤豆
今人用半紅半黑者恐非

瓜蒂散乃酸苦涌泄重劑以吐胸寒者邪結於胸不涉
太陽表實只以三物為散煮作稀糜留戀中焦以吐之
能事畢矣瓜蒂性升吐苦而湧豆性酸斂味苦而泄恐
其未必即能宣越故復以香豉湯陳腐之性開發實邪
定當越上而吐矣

絳雪園古方選註卷五

欽定四庫全書

絳雪園古方選註卷六

蘇州王子接撰

下劑

小承氣湯

大黃

四兩
去皮

厚朴

二兩
炙
去皮

枳實

三枚
炙

已上三味以水四升煮取一升二合去滓 分溫二

服 初服湯當更衣不爾者盡飲之 若更衣者勿

服之

承氣者以下承上也取法乎地蓋地以受制為資生之道故胃以酸苦為涌泄之機若陽明腑實燥屎不行地道失矣乃用制法以去其實大黃制厚朴苦勝辛也厚朴制枳實辛勝酸也酸以勝胃氣之實苦以化小腸之糟粕辛以開大腸之秘結燥屎去地道通陰氣承故曰承氣獨治胃實故曰小

大承氣湯

芒硝

三兩

大黃

四兩去皮酒洗

厚朴

八兩炙去皮

枳實

五枚炙

右四味以水一斗先煮二物取五升去滓

內大黃

煮取二升去滓

內芒硝更上微火一二沸

溫再

服得下餘勿服

芒硝入腎破泄陰氣用以承氣者何也當知奪陰者芒硝而通陰者亦芒硝蓋陽明燥結日久至於潮熱其腎中真水為陽明熱邪吸引告竭甚急矣若徒用大黃厚朴枳實制勝之法以攻陽明安能使下焦燥結急去以

存陰氣故用假途滅虢之策借芒硝直入下焦軟堅潤燥而後大黃朴實得破陽明之實破中焦竟犯下焦故稱之曰大因經言下不以偶所以大黃芒硝再分兩次內煎乃是偶方而用奇法以殺其勢展轉回顧有如此調胃承氣湯

大黃

四兩清酒浸

甘草

二兩炙

芒硝

半升

右三味咬咀以水三升煮取一升去滓內芒硝更上火微煮令沸少少溫服之

調胃承氣者以甘草緩大黃芒硝留中泄熱故曰調胃
非惡硝黃傷胃而用甘草也泄盡胃中無形結熱而陰
氣亦得上承故亦曰承氣其義亦用制勝甘草制芒硝
甘勝鹹也芒硝制大黃鹹勝苦也去枳實厚朴者熱邪
結胃劫津恐辛燥重劫胃津也

桃仁承氣湯

桃仁

五十個
去皮尖

桂枝

二兩
去皮

大黃

四兩
去皮

芒硝

二兩

甘草

二兩

右五味以水七升煮取二升半去滓 內芒硝更上

火微沸下火先食 溫服五合 日三服 當微利

桃仁承氣治太陽熱結解而血復結於少陽樞紐間者
必攻血通陰乃得陰氣上承大黃芒硝甘草本皆入血
之品必主之以桃仁直達血所攻其急結仍佐桂枝泄
太陽隨經之餘熱內外分解庶血結無留戀之處矣

小陷胸湯

栝蒌實

大者一枚

黃連

兩

半夏

半升洗

右三味以水六升先煮栝蒌取三升去滓 內諸藥

煮取二升去滓 分溫三服

結胸按之始痛者邪在脈絡也故小陷胸止陷脈絡之邪從無形之氣而散括萋生於蔓草故能入絡半夏成於坤月故亦通陰二者性皆滑利內通結氣使黃連直趨少陰陷脈絡之熱攻雖不峻胸中亦如陷陣故名陷胸僅陷中焦脈絡之邪不及下焦故名小

大陷胸湯

大黃

六兩
去皮

芒硝

升

甘遂

一錢

錢

右三味以水六升先煮大黃取二升去滓 內芒硝
一二沸 內甘遂末 溫服一升 得快利止後服
大陷胸湯陷胸鬲間與腸胃有形之垢並解邪從心下
至少腹硬滿而痛不可近邪不在一經矣胸鬲為陽明
之維太陽之門戶太陽寒水之氣結於陽明當以猛劣
之劑竟從陽明攻陷大黃陷熱結甘遂攻水結佐以芒
硝之監制二者之苦不令直行而下使其引入硬滿之
處軟堅破結導去熱邪

又大陷胸湯

括蕒實

一枚
去皮

甘遂

四兩

桂枝

四兩
去皮

人葠

四兩

大棗

十二枚
擘

右五味以水七升煮取三升去滓 溫服一升 胸

中無堅勿與之

大陷胸湯有二方者一陷中下二焦之邪此陷上中二焦之邪也括蕒陷胸中之痰甘遂陷經隧之水以桂枝回護經氣以人參奠安裏氣仍以大棗泄營徐徐縱熱下行得成陷下清化之功

大陷胸丸

葶藶

半升熬

杏仁

半升去皮尖熬黑

大黃

八兩去皮

芒硝

半升

右四味搗篩大黃葶藶二味 內杏仁芒硝合研如

脂和散取如彈丸一枚 別搗甘遂末一錢匕白蜜

二合水二升煮取一升 溫頓服之 一宿乃下如

不下更服 取下為效禁如藥法

大陷胸丸從高陷下三焦並攻結胸項強邪據太陽之
高位矣故用葶藶杏仁以陷上焦甘遂以陷中焦大黃

芒硝以陷下焦庶上下之邪一治成功其法之微妙并申明之搗為丸者唯恐藥性峻利不能逗留於上而攻結也不與丸服者唯恐滯而不行也以水煮之再內白蜜者又欲其緩攻於下也其析義之精又如此 王海

藏曰大陷胸湯治太陽熱實大陷胸丸治陽明熱喘小陷胸湯治少陽熱痞雖非仲景之意此理頗通姑識之

大柴胡湯

柴胡

八兩

黃芩

三兩

半夏

半升

生薑

五兩切

大棗

十二枚擘

芍藥

三枳實四枚

大黃

二兩去皮酒洗

右七味以水一斗二升煮取六升去滓再煎 溫服

一升 日三服 一方加大黃二兩若不大黃

恐不為大柴胡湯也

是言古方有二仲景採其有大黃者而申明之此是明言二焦

並治乃得稱大

大柴胡湯下也前章言少陽證不可下而此復出下法者以熱邪從少陽而來結於陽明而少陽未罷不得不借柴胡湯以下陽明無形之熱故於本方去人復甘草

實脾之藥倍加生薑佐柴胡解表加赤芍破裏結則枳實大黃下之不礙表邪矣柴胡治中大黃導下二焦並治故稱大

柴胡加芒硝湯

柴胡

二兩十六銖

黃芩

一人兩

人參

一兩

甘草

炙一兩

生薑

一切一兩

半夏

五枚

大棗

四枚

芒硝

二兩

右七味以水四升煮取二升去滓分二服以解

為瘥不解更作服

芒硝治久熱胃閉少陽熱已入胃而猶潮熱脇滿者則
熱在胃而證未離少陽治亦仍用柴胡但加芒硝以滌
胃熱仍從少陽之樞外出使其中外蕩滌無遺乃為合
法錢塘張錫駒云應以大柴胡加芒硝其理亦通姑誌
之

柴胡加大黃芒硝桑螵蛸湯

柴胡

二兩

黃芩

銖十八

人參

銖十八

甘草

銖十八

生薑

銖十八切

半夏

五枚洗

大棗

四枚擘

芒硝

三合

大黃

四兩去皮酒洗

桑螵蛸

炒

五枚

右前七味以水四升煮取二升去滓 下芒硝大黃
桑螵蛸煮取一升半去滓 溫服五合 微下即愈
本方柴胡再服以解其外餘一服加芒硝大黃桑螵
蛸

柴胡加桑螵蛸湯此亦有方而無證大都用柴胡湯其
邪必從少陽而來熱及於陽明者加芒硝熱實於陽明
者加大黃其邪入陽明而後可議下然裏虛之應下者

加芒硝當佐人參以安中若加大黃當佐桑螵蛸固陰續絕以安下此少陽而有陽明症者下之方也

桂枝加大黃湯

桂枝

三兩

芍藥

六兩

甘草

二兩炙

生薑

三兩切

大棗

十二枚擘

大

黃

二兩去皮

右六味咬咀

以水七升煮取三升去滓

溫服一

升

大黃入於桂枝湯中欲其破脾實而不傷陰也大黃非

治太陰之藥脾實腹痛是腸中燥矢不去顯然太陰轉屬陽明而陽道實故以薑桂入太陰升陽分殺太陰結滯則大黃入脾反有理陰之功即調胃承氣之義燥矢去而陽明之內道通則太陰之經氣出注運行而腹痛減是雙解法也如下文云其人胃氣弱者大黃芍藥宜減之豈非太陰屬陽明之論治乎

枳實梔子豉湯

枳實

三枚

梔子

十四枚

香豉

一升

枳實

綿裹

右三味以清漿水七升空煎取四升 內枳實梔子
煮取二升 內豉更煮五六沸去滓 溫分再服
覆令微似汗 若有宿食加大黃如博碁子大五六
枚

枳實梔子豉湯微汗微下方也大都瘥復必虛實相兼
故汗之不欲其大汗下之不欲其大下梔豉上焦藥也
複以枳實宣通中焦再用清漿水空煮減三升則水性
熟而沉梔豉輕而清不吐不下必發於表故覆之必有

微汗若欲微下再加大黃圍碁子大佐枳實下泄助熟
水下沉則梔豉從上瀉下三焦通暢營衛得和而勞復
愈故云微下

四逆散

柴胡十分枳實十分芍藥十分甘草十分

右四味各十分搗篩白飲和服方寸匕日三服

四逆散與四逆湯藥品皆異者此四逆由於熱深而厥

也素問厥論云陰氣虛則陽氣入胃不和而精氣竭則不營其四肢厥陰篇曰前熱者後必厥厥深熱亦深厥微熱亦微厥應下之故雖少陰逆而屬陽邪陷入者亦可下但不用寒下耳熱邪傷陰以芍藥甘草和其陰熱邪結陰以枳實泄其陰陽邪傷陰陰不接陽以柴胡和其樞紐之陽此四味而為下法者從苦勝辛辛勝酸酸勝甘乃可以勝邪故得稱下服以散者取藥性緩乃能入陰也

白散

桔梗

三分

貝母

三分

巴豆

一分

去皮心
熬黑研如脂

右三味為末 內巴豆更於臼中杵之 以白飲和服 強人半錢羸者減之 病在膈上必吐在膈下必利不利進熱粥一杯 利過不止進冷粥一杯 身熱皮粟不解欲引衣自覆者若以水噉之洗之益令熱却不得出當汗而不汗則煩假令汗出已腹中痛與芍藥三兩如上法

白散結胸者亦可服其義仍在嘔水灌水外寒實表熱却於內故用桔梗貝母開提肺氣以泄表實使已亘散水寒開胸結法用熬黑者熟則性緩欲其入胃緩緩劫寒破結作散服者至中焦而藥性散也三味分入手足兩經者以脾胃寄旺於各臟借以治標本也

麻仁圓

麻子仁

二升

杏仁

一斤皮尖去

白芍

八兩

大黃

一斤去皮

厚朴

一尺

炙去

枳實

八兩

右六味為末煉蜜為丸梧子大 飲服十丸 日二

服 漸加以利為度

下法不曰承氣而曰麻仁者明指脾約為脾土過燥胃液日亡故以麻杏潤脾燥白芍安脾陰而後以枳朴大黃承氣法勝之則下不亡陰法中用丸漸加者脾燥宜用緩法以遂脾欲非比胃實當急下也

抵當湯

水蛭

三十箇熬

蠱蟲

三十箇熬去翅足

桃仁

三十箇去皮尖

大黃

三兩去皮

酒浸

右四味為末 以水五升煮取三升去滓 溫服一

升 不下再服

抵當者至當也蓄血者死陰之屬真氣運行而不入者也故草木不能獨治其邪務必以靈動嗜血之蟲為之向導飛者走陽絡潛者走陰絡引領桃仁攻血大黃下熱破無情之血結誠為至當不易之方母懼乎藥之險也

抵當丸

水蛭

二十箇

蟅蟲

二十箇去翅足熬

桃仁

二十箇

大黃

三兩去皮酒浸

右四味杵分為四丸

以水一升煮一丸

取七合

服之 晬時當下血若不下者更服

血蓄少腹之硬者亦必以水蛭蟅蟲攻之乃為至當總非桃仁承氣等足以動其血故仲景云不可餘藥但於方中減其蟲數易以丸制宜少服之攻得輕重緩急之宜矣

五苓散

猪苓

十八銖
去皮

茯苓

十八銖

澤瀉

一兩
六銖

白朮

十八銖

桂

五錢

去皮

右五味為末 以白飲和服方寸匕 日三服 多

服煖水 汗出愈

苓臣藥也二苓相輔則五者之中可為君藥矣故曰五
苓猪苓澤瀉相須藉澤瀉之醎以潤下茯苓白朮相須
藉白朮之燥以升精脾精升則濕熱散而小便利即東

垣欲降先升之理也然欲小便利者又難越膀胱一腑故以肉桂熱因熱用內通陽道使太陽裏水引而竭之當知是湯專治留着之水滲於肌肉而為腫滿若水腫與足太陰無涉者又非對證之方

猪苓湯

猪苓

一兩
去皮

茯苓

一兩

阿膠

一兩

滑石

一兩

澤瀉

一兩

右五味以水四升先煮四味取二升去滓內下阿

膠烱消溫服七合日三服

五者皆利水藥標其性之最利者名之故曰猪苓湯與五苓之用其義天淵五苓散治太陽入本利水監以實脾守陽是通而固者也猪苓湯治陽明少陰熱結利水複以滑竅育陰是通而利者也蓋熱邪壅閉劫陰取滑石滑利三焦泄熱救陰淡滲之劑唯恐重亡其陰取阿膠即從利水中育陰是滋養無形以行有陰也故仲景云汗多胃燥雖渴而裏無熱者不可與也

十棗湯

芫花

熬

甘遂

大戟

各等分

大棗

十枚擘

右三味等分各別搗為散

以水一升半先煮大棗

肥者十枚取八合去滓

內藥末強人服一錢七贏

人服半錢

溫服之

平旦服

若下少病不除者

明日更服加半錢

得快下利後糜粥自養

攻飲湯劑每以大棗緩甘遂大戟之性者欲其循行經
隧不欲其竟走腸胃也故不名其方而名法曰十棗湯
芫花之辛輕清入肺直從至高之分去鬱陳莖以甘遂

大戟之苦佐大棗甘而泄者緩攻之則從心及脇之飲
皆從二便出矣

牡蠣澤瀉散

牡蠣

熬

澤瀉

海藻

洗去鹽

蜀漆

洗去腥

葶藶

熬

商陸

根

熬

括蕒根

已上各等分

右七味異搗下篩為散 更入臼中治之 白飲和

服方寸匕 小便利止後服 日二服

牡蠣澤瀉名其散者治濕取重鹹也蓋逐水宜苦消腫

宜醎牡蠣澤瀉海藻之醎蜀漆葶藶萆薢商陸之酸苦
辛相使相須皆從陰出陽之藥也醎軟之苦平之辛泄之
酸約之其性必歸於下而勝濕消腫服法用散者以商
陸水煎能殺人

蜜煎導法

蜜

合七

右一味內銅器中微火煎如飴勿令焦俟可丸捻作
挺如指許長二寸當熱作令頭銳內穀道中以手急

抱欲大便時乃去之


蜜煎外導者胃無實邪津液枯涸氣道結滯燥矢不下
乃用蜜煎導之雖曰外潤魄門實導引大腸之氣下行
也故曰土瓜根亦可為導

猪胆導法

大猪胆一枚

右瀉汁和醋少許以灌穀道中如一食頃當大便出
猪胆導者熱結於下腸滿胃虛承氣等湯恐重傷胃氣

乃用猪胆之寒苦酒之酸收引上入腸中非但導去有形之垢并能滌盡無形之熱



絳雪園古方選註卷六